

PEMBERITAHU PERTANYAAN

DEWAN RAKYAT, MALAYSIA

PERTANYAAN : BUKAN LISAN
DARIPADA : DATO' SERI MOHAMED AZMIN
KAWASAN : GOMBAK
NO. SOALAN : 459

Dato' Seri Mohamed Azmin Bin Ali minta MENTERI PERDAGANGAN ANTARABANGSA DAN INDUSTRI menyatakan jumlah dan nilai pelaburan langsung dari China serta peratus pemilikan dalam sektor korporat domestik sejak tahun 2008.

JAWAPAN

Yang di-Pertua

1. Bagi tempoh 2008 ke 2016, jumlah pelaburan yang diluluskan dari negara China dalam sektor pembuatan berjumlah RM18.4 bilion. Pelaburan ini melibatkan 193 projek dan dijangka menjana 35,831 peluang pekerjaan. Daripada jumlah projek pelaburan yang telah diluluskan bagi tempoh 2008 ke 2016, 65 projek (33.7%) melibatkan 100% hak milik China dijangka menjana 21,148 peluang pekerjaan. 82 projek (42.5%) dengan jumlah pelaburan RM1.9 bilion adalah dimiliki secara majoriti oleh sektor

korporat domestik dan projek-projek tersebut dijangka menjana 7,578 peluang pekerjaan.

2. Bagi jumlah pelaburan dari negara China yang telah direalisasikan setakat tahun 2016, Malaysia telah mencatatkan jumlah pelaburan kumulatif dari negara China sebanyak RM14.2 bilion dalam sektor perkilangan. Pelaburan ini melibatkan 220 projek dan telah menjana 33,020 peluang pekerjaan. Daripada jumlah pelaburan yang direalisasikan ini, sektor barang logam asas mencatatkan pelaburan yang tertinggi iaitu sejumlah RM6.4 bilion, diikuti dengan industri barang elektronik dan elektrikal (RM4.7 bilion), industri barang galian bukan logam (RM1.4 bilion) dan industri tekstil and barang teknikal (RM560.9 juta). Pelaburan yang telah direalisasikan dari negara China setakat tahun 2016 berada di kedudukan kelapan.

3. Syarikat-syarikat China yang telah melaksanakan pelaburan di Malaysia antaranya adalah Ye Chiu Non-Ferrous Metal (M) Sdn Bhd (logam asas), Comtec Solar International (M) Sdn Bhd (industri solar), Jinko Solar Technology Sdn Bhd (industri solar), Ji Kang Dimensi (M) Sdn Bhd (logam asas), Xiamen University (perkhidmatan pendidikan), Huawei Technologies (Malaysia) Sdn. Bhd. (ICT) dan CSR Rolling Stock (M) Sdn Bhd. (peralatan pengangkutan). Kesemua projek-projek ini melibatkan 100% hak milik China.